

J. N. D. N. J. C.

DISPUTATIO JURIDICA

De

SUBSTITUTIONIBUS

Quam

Ex consensu & permissu Ma-

nifici Nobilissimi atque Amplissimi  
Jëtorum Ordinis in inclyta  
Salana

*Sub moderamine*


DAVIDIS PHILIPPI Bernbecken

Altorphini

*Placida disquisitioni subjecis*

JOHANNES GEORGIUS LINDENER

Naumburg-Misnicus



*Ad diem 7 Februarii*

Horis locoque consuetis

J E N Æ

LITERIS ERNESTI STEINMANNI

Anno cl. 180X XXV,

ALBERT WILSON

1870

1871

1872

1873

S  
un,  
um  
Bate  
long  
Alb  
(in  
r.l.  
66  
41  
ille  
qn  
de  
alr  
vi  
m  
a  
ti

I. N. D. N. J. C.  
DISPUTATIO JURIDICA.

D:

SUBSTITUTIONIBUS.

Thesis I.

**C**UM operam rei alieni daturo parum sit remnolle, nisi quoque voces, quibus ea designatur, exacte cognoscantur, arg. l. i. ff. d. 7. & 7. Siquidem rerum intelligentia à verborum intellectu pender, secundum illud Cic. r. off. Itaque antequam ad rei ipsius tractationem perveniamus, pauca quædam, cum de vocabuli Substitutionis notatione, cum de ejusdem ambiguitate præmittemus.

II.

Substitutionis vocabulum à præpositione sub & verbo statuo deducitur, ac nihil aliud significat, quam deliberata voluntate aliquid ordinate ac decernere. *Gadd. ad l. 46 n. 3. ff. d. 17. S.* Alii eam dictam putant, quod subtrus, hoc est, non in primâ certâ (in qua hæredis nomen ponebatur) sed in imâ seu secundâ certâ, quæ sub priore collocata erat, scriberetur: Ut substitutio quasi substitutionis aut subtrus facta institutio dicatur. *Harpr. ad pr. h. t. d. Vulg. substit. n. 1.*

III.

Et accipitur vel in latiori significatu, vel in strictiori: in illo sumptum, nihil aliud est, quàm in locum alterius positio, & quasi sublocatio, submissio aut surrogatio. Hinc pecora in locum demortuorum substitui dicuntur. l. 22. ff. d. Leg. 2. Judex in locum alterius l. pen. ff. judic. solvi. ac legatarii ac fideicommissarii sibi invicem l. 1. ff. d. Leg. 2. l. un. §. 7. C. d. Caduc. tollend. In hoc verò sumitur pro ea surrogatione, quæ fit in ultima voluntate, cum testator in testamento aliquem heredi Instituto substituit: Et hæc acceptio hujus loci est.

IV.

Hinc definitur, quod sit secundum hæredis in locum deficientis facta institutio. l. i. in pr. & l. 36. ff. h. t.

A a

V. Ge.

Generis loco ponitur institutio *pr. 7. d. Vulg. subst. & l. 23. §. 2. ff. eod. l. 55. ff. d. hered. inst.* Nam sit hæc vel primo gradu, & propriè ac simpliciter institutio dicitur, *tot. tit. l. d. hered. inst.* vel secundo, tertio, ac ulteriori ac substitutio propriè appellatur. Undè substitutionem ab institutione tanquam speciem à genere differre palam est. *Harpr. d. loco n. 7.*

## VI.

Differentia sumitur ab objecto, quod est secundus hæres. hoc est, secundo vel ulteriori gradu scriptus *pr. l. d. Vulg. subst. l. 36. & seq. ff. eod.* Nam secundus hæres non tam in Jure nostro, quàm apud bonos auctores dicitur, qui primo substitutus est, licet tertio, quarto vel ulteriori gradu id factum sit, docente *Giph. ad pr. b. 1. & Donell. lib. 6. comm. jur. civil. cap. 23. Dn. D. Ludwell. D. ad Inst. 8. th. 3. lit. C.*

## VII.

Dividitur substitutio in vulgarem & pupillarem *t. 1. 7. & ff. d. vulg. & pupill. subst. Tr. Vol. 2. D. 11. th. 5. lit. D. Matth. Steph. cent. 2. quest. 71. lit. A. Wegner. D. 7. th. 7. lit. C. Gadd. part. 3. D. 19. th. 15. lit. C.* Ejusque divisionis fundamentum ex ipsa substitutionis natura desumitur, siquidem duæ sunt veræ & naturales substitutionum causæ, hæreditas videlicet non acquisita & filii impuberis mors, quarum illa vulgarem, altera verò pupillarem producit, *l. 39. §. 1. ff. b. r. Harpr. d. loco n. 30.*

## VIII.

Addunt Dd. vulgo reciprocam seu breviloquam, quando hæredes instituti sibi invicem substituantur, hac forma: Titius & Sejus uter eorum vivet, heres mihi erit. Verum hanc novam & separatam substitutionum speciem non esse, sed qualitatem potius, ac cæterarum adjectionem, constat ex *§. 1. l. b. c. l. 4. §. 1. & 2. l. 36. §. 1. ff. eod. Dn. D. Foman p. m. D. ad Inst. 16. th. 2. lit. F.*

## IX.

Solet aliàs substitutio quoque dividi in Directam & Fidei commissariam seu obliquam *Don. 6. com. c. 23. Vac. d. Vacun. lib. 4. declaras. c. 10. Duar. ad tit. ff. d. vulg. & pupill. subst. c. 2. Giph. ad l. 9. G. d. impub. & aliis subst.* Directam vocant, quæ testator vult, ut hæreditas recta à se & ex suo testamento, non verò ab hærede prius instituto

stituto ad substitutum transeat. E. G. *Si Titius heres non erit, Sempronius heres esto.* Fidei commissariam seu obliquam dicunt, quando testator heredem à se prius institutum rogat, ut hereditatem adquisitam alteri restituat, vel vivus vel post mortem suam. Verum & hanc divisionem non admittendam esse putamus, partim, quod fidei commissarius propriè heres institutus non sit §. 3. l. d. *fidei commiss. hered.* Omnis autem verè ac propriè dicta substitutio sit heredis institutio l. 20. §. ult. ff. d. *Condit. instit.* partim quod fidei commissaria à substitutionibus in jure tanquam diversa, distinguantur: Unde quoque diversis titulis traduntur, §. 1. l. d. *Substit.* & §. 1. l. d. *fidei commiss. hered.* Francisc. Connan. lib. 10. comm. c. 8. n. 11. Magn. Dn. Arum. Exercit. Justin 8. tb. 9. Hillig. ad Don. lib. 6. c. 29. ad lit. I. in fin. Andr. Gerhard. Collegii Testamentarii D. 4. tb. 10.

#### X.

Vulgaris substitutio sic dicta quod vulgari modo fiat, l. 4. §. 1. ff. b. t. sive quia communis est omnium ut pupillaris propria pupillorum est, quæ sit à quolibet testatore, cuicumque hered. in casum non aditæ hereditatis.

#### XI.

Dicitur cuicumque heredi. Nec enim distinguimus inter suos & extraneos, puberes & impuberes, liberos & servos eosque proprios & alienos. arg. l. 41. ff. d. *hered. instit.* Proprius tamen propterea ex necessario voluntarius non efficitur. Coras. 1. miscell. 2. Wegner. D. 7. tb. 7. lit. D. Dn D. Lud. vel. d. D. tb. 4. lit. C. Schü. D. ad Instit. 9. tb. 24.

#### XII.

Additur in casum non aditæ hereditatis, quod tamen non ita intelligendum, quasi statim substituto locus sit, simul ac heres institutus in adeundo cessarit. §. 1. C. d. *jur. de lib. sed tum demum*, quando institutus hereditatem vel repudiaverit, vel heres esse non potuerit, vel vivo adhuc testatore vel mortuo eo ante aditam tamen hereditatem decesserit, §. 2. l. quib. mod. test. infirm.

#### XIII.

Q. si heres institutus ob delictum aliquod heres esse nequeat, an hereditas ad substitutum, an verò ad hunc pertineat? Et verius est substitutum non excudi l. un. §. 13. C. d. *Caduc. tollend.* auth. hoc amplius C. d. *fidei commiss.* culpa etenim & incapacitas heredis

dis instituti substituto nocere non debet. *arg. l. 8. §. 14. ff. d. in offic. test. nisi forte hæreditas jam sit adita, hæresque institutus postea indignus judicatus sit, tum enim substitutio evanescit, l. r. C. d. Impub. & al. substit. Fachin. 4. controvers. 64. Matth. Steph. cent. 2. qua 77. Henon. D. 8. controvers. 55.*

#### XIV.

Uterius controversitur, si filiusfam. hæreditatem repudiaverit, utrum pater, an verò substitutus admittendus? Et hunc illo præferendum esse asserimus: quia provisio testatoris expressa, tollit provisionem legis. *l. 43. §. 1. ff. d. vulg. & pupill. substit. At substitutus venit ex testatoris voluntate expressa, pater verò ex legis tantum provisione, siquidem lex eum facit hæredem: substitutus autem legali hæredi præfertur, auth. hoc amplius C. d. fideicommiss. Don. lib. 6. comm. c. 24. Connan. 10. comm. 7. Magnif. Dn. Arum. Ex. 8. th. 10. Berensf. D. 7. ad Inst. them. 1. quest. 2. Henon. D. 8. controvers. 14.*

#### XV.

Hujus loci & illa quaestio est, An substitutio in unum casum facta, puta, si non potuerit, etiam ad alium extendatur. Si noluerit, quod Neg. per l. 10. ff. d. lib. & posth. l. 21. ff. d. vulg. & pupill. substit. l. 10. ff. d. condit. & demonstr. Fachin. d. lib. 4. c. 61. Tr. Vol. 2. Dui. th. 6. lit. A. Schütz. d. d. 9. th. 13.

#### XVI.

Causa sive origo hujus substitutionis est Lex 12. tabb. l. 120. ff. d. V. S. eaque ideò introducta est, ne testator deficiente primo hærede intestatus decederet, & ex L. Papia ejus bona ad fiscum defererentur. *lun in pr. C. d. Caduc. toll. Giph. ad b. r. d. vulg. substit.*

#### XVII.

Forma sive modus substitutionis quadruplex est, quorum primus consideratur in numero vel graduum vel personarum, in unoquoque gradu substitutarum.

#### XVIII.

Gradus in testamento plures fieri possunt. E. G. Sempronius hæres mihi esto, & si Sempronius hæres nō erit, Titius hæres esto, & si Titius hæres non erit, Mævius hæres esto, & sic deinceps quotquot gradus testatori facere visum fuerit, adeo ut & novissimo loco servum necessarium hæredem instituere queat, *pr. l. d. vulg. substit.* Unde etiam servus iste non male à Cujac. *ln l. 36. ff. b. r.* Subsidiarius hæres vocatur.

# XIX.

Personæ quoque in gradibus substitutæ plures esse possunt. Nam quæ etiam testator vel plures in unius, vel unum in plurium locum, vel singulos singulis substituere potest §. 1. l. 1. & l. 36 ff. cod.

# XX.

Secundus modus consistit in reciprocatione, quando videlicet heredes instituti sibi invicem substituuntur. Et hanc substitutionem reciprocam vocari *sup. th. 8. dictum.*

# XXI.

Tertius modus consistit vel in expressa, vel tacita testatoris voluntate: Hinc substitutio q. expressa alia, alia tacita enascitur.

# XXII.

Expressa est, verbis quæ fit expressis & visibilibus. Tacita, quæ oculis vel auribus percipi non potest, sed mente tantum, atque intellectu jurisque interpretatione ac verbis hoc præ se non ferentibus. l. 24. & 25. ff. d. hered. inst. l. 27. & l. 41. in pr. ibiq. d. ff. b. t. Don. 6. comm. 24.

# XXIII.

Hinc colligitur expressam vulgarem ad tacitam pupillarem & versa vice expressam pupillarem ad tacitam vulgarem porrigi l. 2. §. 6. l. 4. in pr. ff. b. t. l. 4. & l. fin. C. cod. Don. d. lib. 6. c. 26. Vacon. à Vacun. lib. 4. declar. at. c. 63. n. 9. & seqq. Anton. Govean. 1. var. lect. 2. Nicoll Bellon. lib. 4. Supput. jur. c. 17. n. 10. Dn. D. Ludwel. d. D. th. 5. lit. G. Andr. Gerhard. Colleg. Testam. d. D. 4. th. 18.

# XXIV.

Quartus modus adducitur ex adjuncta qualitate; quando videlicet substitutio fit sub conditione: puta si filius vel heres sine liberis decesserit; Tum enim existente conditione statim expirat substitutio, etiam tum, quando in continenti post mortem heredis liberi moriantur. Sufficit enim conditionem semel impletam esse, etiam si impleta non duraverit. l. 7. C. d. inst. & substit. Gail. 2. Observ. 136.

# XXV.

Effectus hujus substitutionis est, ut instituto heredi, si hereditatem non adeat, (quod fit vel eam repudiando vel etiam propter incapacitatem. l. 3. C. d. hered. inst. §. 2. 3. quibus mod. test. infirm. l. 4. C. d. heret. & Manich.) Substitutus succedat, ne sc. defunctus intestatus decessisse videatur, ut §. th. 16. dictum.



## XXVI.

Illud quoque ad effectum hujus substitutionis pertinet, ut per eum excludatur jus adcrefcendi: Nam quia substitutio venit ex voluntate testatoris expressa: jus verò adcrefcendi ex tacita, expressum verò faciat cessare tacitum *l. 39. §. 1. ff. b. t. consequens est hoc jus qq. perimi. Duar. d. jur. adcrefc. lib. 2. c. 16.*

## XXVII.

Finitur & extinguitur substitutio hæc additione hæreditatis hæredis instituti. *l. 5. C. d. Impub. & al. Substit.* Nam cum ibi conditio sub quâ substitutus vocatus erat, cesset, & post additionem hæredis bona non amplius defuncti esse censeantur, *arg. l. 10. §. 2. ff. b. t.* ipsam qq. evanescere substitutionem verisimile est. Nam alias, nisi extingueretur, uni in solidum duo fierent hæredes, institutus nimirum & substitutus, quod tamen *l. 141. ff. d. R. I. nō admittit.*

## XXVIII.

Excipitur autem casus quando minori hæreditatem adveniti per substitutionem in integrum succurritur: tum enim etiam si hæreditas adita sit, substitutus nihilominus admittitur *l. 7. §. 10. ff. d. minar. Donell. 6. comm. c. 24. Fachin. lib. 4. controverf. c. 73. Hænon. D. 2. th. 16. Berens. D. 7. them. 1. quæst. 5. Dn D. Ludwell. d. d. th. 4. lit. E.*

## XXIX.

Idem hoc fallit in vulgari expressa quæ ad facitam pupillarem porrigitur, tunc quando filius hæres extitit, & intra pubertatem decesserit. Nam quia expressi non nunquam & taciti ead. est vis atq; ratio, præsertim, quando ita concurrunt, ut alterum e medio tollatio non sit necesse: dicendū omninò, quæ de uno vera sunt, de altero falsa esse non possint: ac proinde in hoc casu substituto adhuc locum esse.

## XXX.

Duaren. *ad tit. de substit. c. 10.* existimat, excipiendum quoque esse casum in *Nov. 1. cap. 1. §. 3. & 4.* propositum; quod tamen admitendum non est, quia ibi hæreditas non jure substitutionis sed potius beneficio legis deservitur, ut docet *Gl. in auth. hoc amplius. C. d. fideicom.*

## XXXI.

Q. An pluribus hæredibus institutis additione unius vulgaris hæc substitutio extinguatur? Nos distinguendum putamus: Aut  
substi-



substitutio facta fuit pluribus copulativè & conjunctim, ut Titius & Mævius heredes sunt, & si heredes non erunt Sempronius heres esto: Aut facta fuit separatim: Ut Titius & Mævius heredes sunt: Si verò aut Titius aut Mævius heredes non erunt, Sempronium substituo. Priori casu si unus ex his hereditariam adeat, statim excluditur substitutus. *l. 30. ff. h. t. l. 10. C. eod. postea* verò tunc uno adeunte expirat substitutio quoad se ipsum, non quoad alios non adeuntes. *l. 34. §. 1. ff. h. t.*

XXXII.

Tollitur præterea hæc substitutio, si heres jure Prætorio bonorum possessionem secundum tabulas nactus fuerit: Nam quia bonorum possessores in omnibus vice heredum habentur. *l. 2. ff. d. bon. poss. l. 1. ff. d. possessor. hered. petis. & per agnitam bonorum possessionem inducatur gestio pro herede, dicendum omninò eam æquè ac aditionem substituto nocere. l. 12. C. d. jur. delib.*

XXXIII.

Denique interit hæc substitutio, si testator parens, filiis suis, qui liberos non habent, substituat; si verò liberos postea susceperint, tum enim substitutus excluditur, idque ob favorem liberorum specialiter inductum est, ut hi potius, quam substitutus admittantur. *l. 6. vers. cum autem. C. d. instit. & substit.* Nec interit utrum conditio hæc, si sine liberis decesserit, adjecta fuerit, nec ne; siquidem tacita semper subintelligitur, & testamenta ac ultima hominum elogia, elementer, piè ac humaniter sint interpretanda, non duriter, docente *Cyn. an d. l. 6. C. d. t. & ex eo Harpr. ad §. 7. d. vulg. substit. n. 38.*

XXXIV.

Pupillaris substitutio (inde sic dicta, quod fiat pupillo, id est, impuberi in potestate constituto, seu ei, qui morte patris sui juris futurus est *l. 239. in pr. ff. d. V. S.*) est, quæ fit à parente liberis impuberibus & in potestate existentibus, in eum casum, si heredes erunt, & intra pubertatem decesserint *pr. J. h. t. & l. 1. §. 1. ff. eod.*

XXXV.

Causa efficiens est parens, sub cujus appellatione & avum paternum & omnes ex linea paterna ascendentes comprehendimus *l. 4. §. 2. ff. d. in jus voc. l. 51. & l. 201. ff. d. V. S.* Nam hæc substitutio ex patria potestate descendit, *arg. §. 2. J. h. t.* Ut autem ea procedat,

requiritur, ut Pater sibi prius testamentum faciat, in eo heredem instituat, ac postea heredi aliquem substituat: quia pupillare testamentum pars & sequela est paterni testamenti, adeo ut si hoc non valeat, nec illud valere possit, §. 5. *J. h. t. l. 1. §. f. l. 2. §. 1. ff. eod.*

#### XXXVI.

Excipitur casus in *l. 34. §. ult. ff. h. t.* ubi testamentum per bonorum possessionem contra tabulas rescinditur, & substitutio tamen hæc nihilominus subsistit. *Dn. D. Ludw. d. D. th. §. lit. C.* Hodiè verò sive ipso jure testamentum nullum sit, sive rescindatur, semper valet substitutio hæc, quemadmodum & alia testamenti capitula præter heredis institutionem. *Auth. ex causa. C. d. lib. præterit. Nov. 115. c. 3. in f. Donell. lib. 6. comm. c. 25.*

#### XXXVII.

Subjectum sunt liberi, circa quos requiritur I. ut impuberes sint, & masculi quidem *l. 4. §. 1. de minoribus v. 12. annis* minores unde puberibus hoc modo substitui non potest, ne alias libera de bonis suis testandi facultas eis adimatur: cum ipsi testamentum facere possint. *l. 5. ff. qui test. fac. poss. l. 43. in pr. ff. h. t.* Imo ne fideicommissi quidem jure valere potest. *l. 7. ff. h. t.* Nam adus semel jure testamenti ad probatus amplius obliquari nequit. *l. ult. C. d. Codicill. Cujas lib. 11. Ob. c. 25. Fachin. 4. convers. c. 44. Andr. Gerhard. d. Diff. 4. th. 41.*

#### XXXVIII.

Secundo requiritur, ut sint in potestate parentis. *l. 2. in pr. ff. h. t.* Excluduntur igitur Emancipati & naturales: item mater, nam nec hæc liberis suis pupillariter substituere potest, cum eos in potestate non habeat. *§. 10. l. d. Adopt. l. 5. C. eod. Magnif. Dn. D. Arum. Ex. 8. th. 14. Clar. Dn. D. Riemer. Dec. 6. quæst. 6. Bronch. cent. 3. ass. 35. Han. d. 8. convers. 18.*

#### XXXIX.

Q. An idem hodiè jure novo, quo emancipationis & patriæ potestatis differentia sublata est, *Nov. 118. c. 1. & 4. & Auth. in successione C. d. suis & legis. liber. dicendum sit?* Et verius est idem obtinere, præsertim quia differentia hæc tantum in successione ab intestato extincta est. Ergo in reliquis adhuc obtinebit. *Gl. in Auth. ex causa C. d. liber. præterit. Mynsing. ad pr. J. h. t. n. 4. Coras. ad l. 7. n. 8. C. h. t. Harpr. ad pr. h. t. n. 8. & seqq.*

XL.

De tempore, quo impubes patris potestate subiectus esse debet, convertitur? Nos utroq; tñ substitutionis, quàm mortis testatoris tempore impuberem in potestate esse debere, asserimus propter l. 41. §. 2. ff. b. t. arg. l. 49. §. 1. ff. d. hered. instit. Don lib. 6. comm. c. 25. ibiq; Hillig. lit. N. Dn. D. Arum. Ex 8. th. 16. Matth. Steph. cent. 2. quæst. 76. Itan. D. 8. th. 17. Hün. lib. 2. var. resol. tr. 6. quæst. 11. Forst. D. 13. th. 8.

XLI.

Porro non solum institutis liberis, sed etiam exhereditatis paterita substituere potest, §. 4. 7. h. t. l. 1. §. 2. l. 10. §. 5. ff. cod. Nam jus hoc à patria potestate dependet, & exheredatum æquè ac institutum in patris potestate esse posse ex l. 20. in pr. ff. de bon. poss. contra tabb. Evincitur. Vult. ad pr. b. t. n. 9. Dn. D. Arum. d. Ex. 8. th. 17. Matth. Steph. cent. 2. quæst. 78. Quod tamen in filio præterito minimè procedit, quia tum testamentum patris planè tollitur & corrumpit §. 5. J. b. t. Tr. Vol. 2. D. 11. th. 8. lit. E.

XLII.

Idem dicendum de posthumo, videlicet & ei pupillariter substitui posse §. 4. h. t. l. 2. in pr. ff. cod. Etsi enim is pupillus non sit. l. 29. ff. d. V. s. fictione tamen juris pro tali & jam nato habetur, quia hic de commodis ejus consequendis agitur. l. 7. ff. d. stat. bon. Nam substitutionem hanc liberis utilem, & ad eorum utilitatem introducam esse, ex l. 49. cum similib. ff. t. constat.

XLIII.

Denique hoc qq. ad arrogatos extenditur. l. 10. §. 6. ff. b. t. verum hoc in iisdem tantum bonis, quæ testator beneficio arrogantis habet, procedit, arg. l. 18. & seqq. ff. d. Adopt. Don. d. lib. 6. comm. c. 25. ibiq; Hillig. in notu. lit. G. Andr. Gerhard. d. D. th. 50.

XLIV.

Effectus hujus substitutionis est, ut substitutus filio impuberi, si intra pubertatem decedat, in omnibus bonis, etiam iis, quæ post mortem patris quæsitæ sunt, succedat. l. 10. §. 5. ff. h. t. l. 8. §. 5. ff. d. in off. test. l. 41. §. 2. ff. b. t. imò etiam in patris, si scilicet ea vel per immixtionem vel existentiam sui hæredis juncta in pupillaribus inveniat. l. 28. ff. d. reb. auct. jud. possid. l. 12. ff. b. t.

XLV.

Deinde ut substitutus omnes ab intestato venturos, etiam matrem excludat; Nam quamdiu ex testamento hereditas defer-

ri potest, tamdiu legitima cessat. l. 89. ff. d. R. j. l. 11. ff. d. test. tut. At hic fit successio ex testamento & quidem illo, quod pater filio suo fecit. Igitur hoc matri lucuosum non erit, præsertim quia pater fecit. l. 8. §. 3. ff. d. inoff. test. l. 7. in pr. ff. b. t.

XLVI.

Ad hunc effectum qq. refertur, quod frater fratri impuberi substitutus, fiat ei necessarius. l. 10. §. 1. l. 2. §. 4. l. 12. ff. b. t. l. 42. ff. d. adquir. hered. Verum hoc displicet Goveano, quem tamen. refutat, ejusque fundamento satisfacit Gerhard. d. D. th. 64.

XLVII.

Finitur substitutio hæc i. pupilli pubertate §. 2. l. b. t. Quoniam liberi puberes facti ipsi sibi hæredes scribere possunt, cessante igitur substitutionis ratione seu causa, cessare qq. ipsam substitutionem necesse est, arg. l. 6. §. 2. ff. d. jur. Patronat.

XLVIII.

Deinde tollitur, si filius impubes vivo testatore, de ejus potestate exiit, adeo ut nec mortis tempore in potestate fuerit. l. 41. j. 2. ff. b. t. Unde substitutio, si post eam factam pupillus arrogetur, planè irrita fit, l. 17. §. 1. ff. d. Adopt. quia pupillus hic arrogatione hac in alienam transit potestate ac familiam. l. 2. in f. l. 15. ff. eod. tit.

XLIX.

Tertio interit ac solvitur, deficiente substitutionis conditione: Veluti si filius in pubertate. §. 2. j. b. t. l. 7. l. 14. l. 43. in pr. ff. b. t. l. 21. eod. vel substitutus ante pupillum moriatur. l. 10. in pr. ff. eod. Plures modi quibus finiat hanc substitutio, videri possunt apud Harpr. ad §. 2. j. b. t. & Gerhard. d. D. th. 65. & seqq.

L.

Substitutioni huic affinis est quasi pupillaris substitutio quam nonnulli Exemplarem vocant, quia ad exemplum substitutionis pupillaris introducta est; Sed perperam: Nam quem admodum peculium, quod ad exemplum castrensis inductum est, non exemplare, sed quasi castrense vocatur. l. ult. C. d. inoff. test. & actio, quæ ad exemplum Servianæ constituta est, non exemplaris, sed quasi Serviana dicitur. §. 7. j. d. Act. ita & hæc rectius quasi pupillaris quam exemplaris appellari debet. Wesenb. & Giph. ad b. t. §. 1. Vocatur aliàs etiam Justinianeæ, quia à Justiniano Imper. primum introducta est, l. 9. C. b. t.

# LI.

Definitur quod fiat à parentibus liberis mente captis, institutus certo ordine, in eum casum si heredes erunt, & in infirmitate decesserint.

# LII.

Causa efficiens sunt Parentes, sub quibus etiam matrem, avum, & avum maternum comprehendimus: Nam alias probatione parentum, pater, mater, avus, avia, & alie personae continentur l. 10. §. 7. & §. 12. cum seqq. ff. d. grad. & affin. l. 4. §. 2. ff. d. in jus voc. Nec interest liberos in potestate habeant, nec ne: Nam & mater rectè hoc modo substituit, quia hic non patrie potestatis ratio, sed affectio, pietas, & cura parentum arg. l. 9. C. h. t. quæ in utriusque sexus parentibus eadem esse præsumitur arg. l. 4. C. d. lib. præter. spectari solet.

# LIII.

Q. An mater ad secunda vota transiens, liberis suis pupillariter substituere possit? Et non posse, nisi eos substituat, qui alias ab intestato successuri essent, communis Dd. sententia est. Nam, cum mater bona illa, quæ ad liberos spectant, administrare non possit. l. 22. §. pen. C. d. admin. tut. lib. 1. C. ubi pupill. educ. debet, multò minus de iis aliquid disponere vel statuere permissum erit. Don. 6. comm. 27. Theossan. lib. 42. syntagm. jur. c. 24. n. 7. Dn. D. Ludw. d. d. 1b. 6. lit. B.

# LIV.

Subiectum sunt vel personae quibus substituitur vel quæ substituuntur. Quibus substituitur sunt liberi, mente capti, ac perpetuo furore laborantes, l. 9. C. h. t. Nā iis, dilucida qui intervallo habent, quia ipsi eo tempore testari possint, frustra à parentibus substituitur. Etsi autem furiosi & mente capti sibi invicem, in jure nonnunquam opponantur §. 3. & seq. §. d. Curat. l. 25. C. d. Nupt. tamen per mente captos hic q. furiosos significari, vel inde patet, quia furor majus malum est, quam simplex mentis privatio. E. ob identitatis rationem vel etiam majorem commiseratione hac digni erunt. l. 22. §. 7. ff. sol. matr. l. 47. ff. d. A. vel. O. bered.

# LV.

De Prodigis controversitur, an & iis substitui possit? Et verius est posse, quia quoad administrationem bonorum furiosorum loco

habentur l. 12. §. ult. ff. d. tut. & Curat. dat. l. 1. C. d. Curat. furioso. l. 40. ff. d. R. l. nec testamentum facere possunt §. 2. J. quib. non est perm. fac. 11 ff. l. 18. ff. qui test. fac. possunt Donell. d. c. 27. ibiq. Hillig. lit. B. & C. Gibken. ad tit. C. d. impub. & al. substit. n. 1.

#### LVI.

Huc referunt nonnulli mutum & surdum, sed perperam, quia iis absque permisso Principis non testē substituitur. l. 43. ff. h. t. & ius singulare ad consequentias trahi nequit. l. 23. §. 3. ff. d. fideicom. libert. Giph. ad §. 1. J. b. t. Vauquie lib. 1. illustr. convers. c. 37. n. 6. Forster. D. 13. th. 11.

#### LVII.

Personæ quæ substitui possunt, sunt 1. liberi furiosorum, aut mente captorum si qui adsint. 2. His non existentibus fratres & sorores & 3. his qq. deficientibus extranei quivis. Et hunc ordinem à Justino præscriptum esse, ex d. l. 9. C. b. t. constat.

#### LVIII.

Quæ An unum ex liberis substituere sufficiat, reliquis impunè præteritis, adeò ut nec querela inofficiosi locus sit? Et Neg. Hillig. ad d. c. 27. lit. M. quamvis contrarium placeat Bachov. ad Tr. Vol. 2. D. 11. th. 10. lit. E.

#### LIX.

Finitur hæc substitutio morbo seu animi vitio remoto, hoc est, si liberi furiosi vel mente capti ab ea infirmitate liberati fuerint. §. 1. J. b. t. l. 9. C. eod. Nam cessante furore sc. impedimento, cessat etiam hæc substitutio.

#### LX.

Deinde si post substitutionem hanc furioso vel mente capto liberi nascantur legitimi l. 43. ff. h. t. l. 6. §. cum autem C. de instit. & subst. l. 102. ff. d. condit. & demonst. Duar ad b. s. c. 21. P. Greg. Tholos. d. lib. 42. syntag. jur. c. 24. n. ult. Gerhard. d. D. th. 76. Et hæc de hac substitutionum materia hoc tempore pro re nata & pro ingenii modulo dicta & tractata sufficiant. Deo immortalis sit laus, honor & gloria.



Ad  
Præstantissimum & huma-  
nissimum Dominum Respondentem,  
amicum & sympatriotam dile-  
ctissimum.

**N**ON agit incassum Themedis qui jura tuetur,  
*Sed digna gustat pramia.*  
*Sic labor insignis quo Te consumere tempus*  
*LINDNERE monstras omnibus*  
*Nequaquam frustra est, tandem TIBI justa rependes*  
*Si pergis. Ergo gratulor*

M. Johann. Bernog.  
Naumburg.

---

**D**iro cuncta boant sonitu, taratantara turbat  
Omnia, nunc Musæ & Phæbus ubique jacent,  
Tu tamen hoc spernis, Lindner, interque tumultus  
Bellonæ medios, jura sacrata legis.  
Scilicet exemplo facis hoc, vestigia Patris  
Sic sequeris, Patris degener haud soboles.  
In stadio hoc pergas, tibi, sum nunc augur, honores  
Olim permagnos conferet alma Themis.  
*gratulabundus applaudebat*  
*Petrus Schröter*

---

**V**iderat alma Themis Lindnerum Jura sonantem,  
*Hic Quæ, Lector, habes levibus commissa pagellis,*  
Viderat, & tales effudit pectore voc'es.  
*Quæ Nova progenies Numburgò vitæ amantò*  
*Legalis studio quæ nostrum Numen adoret.*  
*Quæq; aris supplex nostris imponat honor. nē*

*Quem*



Quem quondam trepidans accurret turba Clientam  
Aspera siqua foro per litem iurgia tentes?  
Ausu qua tanto tibi premia digna manebunt  
O Lindneriadæ non ultima gloria stirpis?

Ise mihi, lepida, carum genus, ite Camæn a  
Lindnerique mei pia cingite tempora vittâ  
Talia dona fero, sic hos & in astra repono.

De te tanta THBMIS? de te Lindnere locuta est?  
I decus, i nostrum tam dulcibus utere fatis  
Talibus & scriptis perge exhilarare parentes.

Φιλίας ἵνκα

f

Johannes Tisius  
Quedlinburgius Saxo.



F I N I S.

